

大毘婆沙論

才一百九十六

三百九十一
神六

50628



阿毗達磨大毗婆沙論卷第一百九十六

神

五百大阿羅漢等造 三藏法師 玄奘奉 詔譯

見蘊第八中想納息第三之二

見相應受幾隨眠隨增乃至廣說問何故作
此論答為止撥無世俗正見者意顯實有世
俗正見是修所斷及遍行隨眠之所隨增又

遮說有修所斷疑隨眠者意顯疑隨眠惟見
所斷故作斯論問如夜見物杌耶人耶此疑

豈非修所斷耶答此於彼事未了故疑了時
便斷非隨眠性問此中何故但依見疑而作
論答彼作論者意欲示故乃至廣說復次惟
此二種于不相應而俱緣四諦俱通徧行俱

緣有漏無漏俱緣有爲無爲於餘煩惱爲勝
貪瞋慢雖于不相應而不能通緣四諦惟不
徧行但緣有漏但緣有爲無明雖緣四諦亦
是徧行通緣有爲無爲有漏無漏而與一切
煩惱相應皆非增勝是故此中但依見疑而
作論

見相應受幾隨眠隨增荅三界有漏緣及無
漏緣見彼相應無明隨眠隨增此則摠說若
別說者見相應受差別有五謂見苦所斷乃
至修所斷此中見苦所斷見相應受見苦所
斷一切及見集所斷徧行隨眠隨增見集所
斷見相應受見集所斷一切見苦所斷徧行

隨眠隨增見滅所斷見相應受見滅所斷無
漏緣見彼相應無明見滅所斷一切有漏緣
及徧行隨眠隨增見道所斷見相應受見道
所斷無漏緣見彼相應無明見道所斷一切
有漏緣及徧行隨眠隨增修所斷見相應受
修所斷一切及徧行隨眠隨增此中隨增差

別應作四句或有隨眠於見相應受所緣故
隨增非相應故或有隨眠於見相應受相應
故隨增非所緣故或有隨眠於見相應受所
緣故隨增亦相應故或有隨眠於見相應受
非所緣故隨增亦非相應故初句者謂除有
漏緣見彼相應無明諸餘有漏緣隨眠第二

句者謂無漏緣見彼相應無明第三句者謂
有漏緣見彼相應無明第四句者謂除無漏
緣見彼相應無明諸餘無漏緣隨眠
見不相應受幾隨眠隨增若除無漏緣見彼
相應無明餘隨眠隨增此則摠說若別說者
見不相應受差別有五謂見苦所斷乃至修
所斷此中見苦所斷見不相應受見苦所斷
一切及見集所斷徧行隨眠隨增見集所斷
見不相應受見集所斷一切及見苦所斷徧
行隨眠隨增見滅所斷見不相應受除見滅
所斷邪見彼相應無明諸餘見滅所斷及徧
行隨眠隨增見道所斷見不相應受除見道

所斷邪見彼相應無明諸餘見道所斷及徧
行隨眠隨增修所斷見不相应受修所斷一
切及徧行隨眠隨增此中隨增差別亦作四
句或有隨眠於見不相应受所緣故隨增非
相應故乃至廣作四句第一句者謂有漏緣
見彼相應無明第二句者謂除無漏緣見彼
相應無明諸餘無漏緣隨眠第三句者謂除
有漏緣見彼相應無明諸餘有漏緣隨眠第
四句者謂無漏緣見彼相應無明

疑相應受幾隨眠隨增答三界見所斷有漏
緣及無漏緣疑彼相應無明隨眠隨增此則
揔說若別說者疑相應受差別有四謂見苦

集滅道所斷此中見苦所斷見集所斷如前
說見滅所斷疑相應受見滅所斷疑彼相應
無明見滅所斷一切有漏緣及徧行隨眠隨
增見道所斷疑相應受見道所斷疑彼相應
無明見道所斷一切有漏緣及徧行隨眠隨
增此中隨增差別亦作四句或有隨眠於疑
相應受所緣故隨增非相應故乃至廣作四
句第一句者謂除有漏緣疑彼相應無明諸
餘見所斷有漏緣隨眠第二句者謂無漏緣
疑彼相應無明第三句者謂有漏緣疑彼相
應無明第四句者謂除無漏緣疑彼相應無
明謂餘無漏緣隨眠

疑不相應受幾隨眠隨增。答除無漏緣疑。彼相應無明餘隨眠隨增。此則揔說。若別說者。疑不相應受差別有五。謂見苦所斷。乃至修所斷。此中見苦所斷。見集所斷。如前說。見滅所斷。疑不相應受。除見滅所斷。疑彼相應無明。諸餘見滅所斷。及徧行隨眠隨增。見道所斷。疑不相應受。除見道所斷。疑彼相應無明。諸餘見道所斷。及徧行隨眠隨增。修所斷。疑不相應受。修所斷。一切及徧行隨眠隨增。此中隨增差別。亦作四句。或有隨眠於疑不相應受所緣。故隨增。非相應。故乃至廣作四句。第一句者。謂有漏緣疑。彼相應無明。第二句。

者謂除無漏緣疑彼相應無明諸餘無漏緣
隨眠第三句者謂除有漏緣疑彼相應無明
諸餘有漏緣隨眠第四句者無漏緣疑彼相
應無明

因道緣起法幾界幾處幾蘊攝答十八界十
二處五蘊此中因者六因謂相應乃至能作
道者八支聖道謂正見乃至正定緣起者十
二支緣起謂無明乃至老死此因道緣起具
攝一切界處蘊法問因及緣起可介道云何
亦具攝耶答此文應作是說因及緣起十八
界十二處五蘊攝道三界二處五蘊攝而不
作是說者當知此中摠說因道緣起攝一切

界處蘊非一一攝復有說者所道緣起法皆謂六因此皆因之差別名故如施設論說因道路等盡同一義是以皆攝十八界等有作是說因謂一切有為法如品類足說因法云何謂一切有為法由此具攝十八界等道即是因此因與誰為道與所得果由此亦攝十八界等緣起亦是一切有為法如品類足說緣起法云何謂一切有為法由此亦攝十八界等除眼觸等起想受心相應法及耳觸等起想受心不相應法餘法幾界幾處幾蘊攝答十八界十二處五蘊等起有二種謂因及刹那此中但說刹那等起以說相應不相應

故問此所說中除何相應不相應法取何餘
法界處蘊攝耶答此中除眼觸聚中非觸想
受心餘相應法及耳觸聚中生老住無常取
所餘法界處蘊攝所以者何此所說中若法
是眼觸等起想受心相應及耳觸等起想受
心不相應者是所除彼眼觸聚中觸雖與想
受心相應而非眼觸等起自體於自體無等
起義故想雖眼觸等起及受心相應而非想
相應自體於自體無相應義故受心說亦亦
是故眼觸聚中觸想受心皆非所除餘相應
法眼觸等起及想受心相應故乃是所除耳
觸聚中觸非耳觸等起亦非想受心不相應

想雖耳觸等起及想不相應而與受心相應
受心說亦尔餘心所法雖耳觸等起而與想
受心相應是故耳觸聚中心心所法皆非所
除彼俱起生老住無常耳觸等起及想受心
不相應故乃是所除是名所除法餘法云何
謂六觸身六想身六受身六識身及耳鼻舌
身意觸聚中餘相應行蘊除耳觸聚中生老
住無常餘不相應行蘊一切色無爲如是餘
法十八界十二處五蘊攝乃至除身觸等起
想受心相應法及意觸等起想受心不相應
法餘法幾界幾處幾蘊攝答十八界十二處
五蘊此中展轉相望所除所取准前應廣釋

有餘於此作差別說謂除眼觸等起想受心
不相應法及耳觸等起想受心相應法餘法
十八界十二處五蘊攝乃至除身觸等起想
受心不相應法及意觸等起想受心相應法
餘法攝如前說復有於此作差別說謂除眼
觸等起想受心相應法及耳觸等起想受心
相應法餘法攝如前說乃至除身觸等起想
受心相應法及意觸等起想受心相應法餘
法攝如前說復有於此作差別說謂除眼觸
等起想受心不相應法及耳觸等起想受心
不相應法餘法攝如前說乃至除身觸等起
想受心不相應法及意觸等起想受不相應

法餘法攝如前說

見蘊第八中智納息第四之一

若事能通達彼事能徧知耶如是等章及解
章義既領會已次應廣釋問何故作此論答
欲止他說忍即是智性者意顯示諸忍與自
所斷疑得俱生未重審決不得名智故作斯

論事有五種一自性事二繫事三所緣事四
因事五攝受事自性事者如世尊說我當為
汝說四十四智事及七十七智事謂緣有支
智以事聲說尊者妙音作如是說彼經說所
緣事謂諸有支是智所緣故說名事然彼契
經說智為事非諸有支以後釋中但說智故

繫事者如前一行中說若事愛結繫彼事亦
恚結繫耶謂五部煩惱於五部法或所緣故
繫或相應故繫彼五部法以事聲說所緣事
者如品類足說一切法皆智所知隨其事云
何隨其事謂隨其所行隨其境界隨其所緣
諸智所行境界所緣以事聲說因事者如品
類足說有事法無事法即是有因法無因法
又如世尊伽他中說

苾芻心寂靜

能永斷諸事

生死畢竟滅

更不受諸有

此中諸因以事聲說一切生死無不由因諸
因若斷生死便滅不受諸有得般涅槃攝受

事者如契經說棄捨所攝受田事宅事財寶
等事又如世尊伽他中說

人於田事財

牛馬僮僕等

男女諸親欲

各別而耽愛

又在家者作如是言我已取彼尔所事彼猶
負我尔所事諸如是等名攝受事復有五種
事一界事二處事三蘊事四世事五刹那事
於十種事中此中依自性事而作論謂忍智
等自性以事名說

若事能通達彼事能徧知耶答應作四句此
中能通達依無漏道智徧知說能如實知故
外徧知依無漏道證斷徧知說能永斷煩惱

故此二字有長短故應作四句有事能通達
非徧知謂苦集滅道智不斷諸煩惱此則見
道中諸所有智及修道等中除正斷煩惱道
餘四諦智如是諸智是能通達如實智性故
非徧知不斷煩惱故有事能徧知非能通達
謂苦集滅道智斷諸煩惱此則見道中斷煩
惱諸忍若未離欲染者通法忍類忍若已離
欲染者惟類忍如是諸忍是能徧知永斷煩
惱故非能通達非如實智性故問若諸忍非
能通達者品類足說當云何通如彼說能通
達云何謂善慧所通達云何謂一相法忍是
善慧自性何故此中說非能通達耶答此文

應作是說若事是能通達彼事亦是能徧知
若事是能遍知彼事亦是能通達而不作是
說者有別意趣謂此中依智徧知說能通達
依能證斷徧知說能徧知故不應難有事能
通達亦能徧知謂苦集滅道智斷諸煩惱此
則修道中正斷煩惱道苦等四智是能通達
如實智性故亦能徧知永斷煩惱故有事非
能通達亦非能徧知謂苦集滅道忍不斷諸
煩惱此則已離欲染者於見道中四法忍非
能通達非如實智性故亦非能徧知不永斷
諸煩惱故彼所對治煩惱先已斷故
若事能厭彼事能離耶答應作四句此中厭

者於有漏法厭行相轉離者能離所斷煩惱
此二乎有長短故應作四句有事能厭非能
離謂苦集忍智不斷諸煩惱此則已離欲染
入見道者於見道中苦集法忍及一切苦集
智於修道等中除正斷煩惱道餘苦集智是
能厭緣可厭事轉故非能離不斷煩惱故有
事能離非能厭謂滅道忍智斷諸煩惱此則
未離欲染者見道中滅道法忍及一切滅道
類忍於修道中正斷煩惱滅道二智如是忍
智是能離能斷煩惱故非能厭緣可欣事轉
故有事能厭亦能離謂苦集忍智斷諸煩惱
此則未離欲染者於見道中苦集法忍及一

切苦集類忍於修道中正斷煩惱道苦集止
智如是忍智是能厭緣可厭事轉故亦能離
斷諸煩惱故有事非能厭亦非能離謂滅道
忍智不斷諸煩惱此則已離欲染者於見道
中滅道法忍及一切滅道智於修道等中除
正斷煩惱道餘滅道智如是忍智非能厭緣
可欣事轉故亦非能離不斷煩惱故
若事能厭彼事修厭耶答若事能厭彼事亦
修厭此中修者得修習修於見道中苦集忍
智於修道等中惟苦集智如是忍智是能厭
緣可厭事轉故亦能修厭以厭行相於現在
未來或一或俱修故有事修厭非能厭謂滅

道智斷諸煩惱此則於修道中以滅道智離
三界染時於未來世修苦集智厭行相故說
名修厭緣滅道諦可欣事轉故不名能厭問
有滅道智現在前時不斷煩惱而亦能修厭
如在修道無學道中一切離染加行解脫勝
進道時滅道二智及則以此二智練根雜修
靜慮引發諸通諸無礙解無色解脫及念住
等諸功德時亦能修厭而非能厭此中何故
不說耶答亦應說而不說者當知此義有餘
有說此中說決定者謂滅道智斷諸煩惱無
間道時決定能修苦集二智惟未曾得而現
前故餘時不定或是未曾得或未得若未曾

得則不能修是故不說有說此中說最初位
不說餘位有說此中隨其顯相以要言之是
故不說餘位修馱

若事能離彼修馱耶答應作四句有事能離
非修馱謂滅道忍斷諸煩惱此則未離欲染
者於見道中滅道法忍及一切滅道類忍如
是諸忍是能離斷煩惱故非修馱今時惟修
欣行相故有事修馱非能離謂苦集忍智不
斷諸煩惱此則已離欲染者見道中苦集法
忍及一切苦集智於修道等中除正斷煩惱
道餘苦集智如是忍智是修馱今時能修馱
行相故非能離不斷煩惱故問有滅道智現

在前時不斷煩惱亦修馱非離如在修道無
學道中一切離染加行解脫勝進道時滅道
二智及即以此二智練根雜修靜慮引發諸
通諸無礙解無色解脫及念住等諸功德時
亦修馱而非離此中何故不說答亦應說而
不說者當知此義有餘有說此中說決定者
謂彼諸位苦集二智決定修馱滅道二智則
不決定以曾得者現在前時不修馱故有事
能離亦修馱謂苦集忍智及滅道智斷諸煩
惱此則未離欲染者於見道中苦集法忍及
一切苦集類忍於修道中正斷煩惱道苦集
滅道智如是忍智是能離斷諸煩惱故亦修

厭尔時能修厭行相故有事非能離亦非修
厭謂滅道忍智不斷諸煩惱此即已離欲染
者於見道中滅道法忍及一切滅道智於修
道等中曾得滅道智現在前時如是忍智非
離不斷煩惱故亦非修厭尔時不修厭行相
故前來所說厭離及修諸句差別皆依無漏
法類忍智分位差別不依餘者乘前通達徧
知事故通達徧知惟無漏故

問如所說厭體性是何為是無貪為是慧耶
設尔何失若是無貪此文所說當云何通如
說有事能厭亦能離謂苦集忍智斷諸煩惱
雜蘊所說復云何通如說云何習厭離貪謂

無學狀相應無貪無瞋無癡非無貪與無貪
可說相應自性與自性不相應故若是慧者
即上所說復云何通如說云何習狀離貪謂
無學狀相應無貪無瞋無癡即慧非慧
與慧可說相應所以如前此中有說狀體性
是無貪問若尔者此文所說當云何通如說
有事能狀亦能離乃至廣說答彼中說狀相
雜法名狀謂無貪與忍智相應說為忍智問
雜蘊所說復云何通如說云何習狀離貪乃
至廣說答彼文應作是說狀相應無瞋無癡
善根不應說無貪而說者當知是誦者隨言
勢增益有作是說狀體是慧問若尔者即雜

蘊所說復云何通如說云何習馱離貪乃至
廣說答彼文應作是說馱相應無貪無瞋不
應說無癡而說者當知是誦者隨言勢增益
評曰應說馱體性異非無貪非慧別有心所
法名馱與心相應此即攝在復有所餘心所
法中此中說無漏馱然亦有有漏馱謂與不
淨觀持息念念住三義勸七處善煖頂忍世
第一法見道中現觀邊世俗智修道等中如
病如癰如箭行相靜慮無量無色解脫勝處
徧處等相應廣說過四大海今略說尔所如
是馱所馱事應作四句有馱非所馱謂無漏
馱有所馱非馱謂除有漏馱餘有漏法有馱

亦所厭謂世俗厭有非厭非所厭謂除無漏
厭餘無漏法問若緣一切法作無我行相當
說是欣相作意厭相作意耶設亦何失若是
欣相作意者云何亦緣厭事轉耶若是厭相
作意者云何亦緣欣事轉耶荅應作是說是
欣相作意問若亦云何亦緣厭事轉耶荅彼
觀行者於可欣事深樂觀察雖緣無量可厭
事猶故生欣如於銅錢聚上置一金錢以金
錢故而於彼聚生欣樂心此亦如是
若法與彼法作因或時此法不與彼法作因
耶荅無時非因問何故作此論荅為止愚於
因緣法執因緣性非實有者意顯因緣法體

性實有故作斯論有說此中依一因作論謂相應因以相應因諸心心所因取一緣恒不相離通三世故有說此中依二因作論謂相應俱有以此二因俱通三世不相離故有說此中依三因作論謂相應俱有異熟此三於異有勝功能通三世故有說此中依四因作論謂相應俱有異熟能作以此四因通三世故有說此中依五因作論謂除徧行因有說此中依六因作論問若法未至已生位則不能爲同類徧行因至已生位方能爲因如何依六因作論說無時非因耶答此依最後位說謂未來法至正生位定能爲因從此以後

無時非因故作是說問若尔者等無間緣何故
不作是說如說若法與彼法作等無間或時
此法不與彼法作等無間耶答若時此法未
至已生然心心所法應為等無間緣者至正
生位定能為緣何故不說無時非等無間耶
答彼亦應作是說而不說者當知欲現種種

文種種說莊嚴於義令易解故復次欲現二
門二略二階二影二明二炬牙相顯示如此
彼亦尔如彼此亦尔故餘義廣說如雜蘊智
納息

若法與彼法作等無間或時此法不與彼法
作等無間耶答若時此法未至已生問何故

作此論答為止愚於等無間緣法執等無間
緣法非實有者意顯等無間緣法體是實有
故作斯論問若時此法未至已生者此法是
何為前為後為前法未至已生位不與後法
作等無間若至便作等無間耶為後法未至
已生位不與前法作等無間若至便作等無
間耶如世第一法生苦法智忍為世第一法
未至已生位不與苦法智忍為等無間若至
便作等無間耶為苦法智忍未至已生位不
與世第一法為等無間若至便作等無間耶
若前法未至已生位不與後法作等無間若
至便作者有心位可念無心位云何可念如

入無想定或滅盡定經七晝夜或復多時若
入定心至已生位即與出定心為等無間者
應第二剎那出定心即生所以者何若法與
彼法為等無間緣取彼為果必無有法或諸
有情若藥草若呪術若佛若獨覺若到究竟
聲聞有能障彼令第二剎那不得生者是則
二無心定應永不起若後法未至已生位不
與前法作等無間若至便作者豈不苦法智
忍未至已生位亦與世第一法為等無間耶
此中有說若前法未至已生位不與後法作
等無間若至便作問若然者有心位可尔無
心位云何可尔答此中說有心位不說餘位

有說設依無心位說亦無有過謂入定心現
在前時頓取諸定及出心果亦與最初刹那
定果後諸定刹那及出定心生時與果非取
先已取故評曰彼不應作是說所以者何無
有行等無間緣異時取果異時與果若此時
取果即此時與果故有作是說若後法未至
已生位不與前法作等無間若至便作問豈
不苦法智忍未至已生位亦與世第一法為
等無間耶答尔時雖與世第一法作等無間
而非等無間緣若至已生位亦名等無間亦
名等無間緣如等無間等無間緣如是等無
間有等無間相續有相續亦尔餘義廣說如

雜蘊智納息

說一切有部發智天毗婆沙論卷第一百九十六 神

撥必末反 枕吾骨反伐
之餘也



